



Innst. 66 S

(2009–2010)

Innstilling til Stortinget frå energi- og miljøkomiteen

Prop. 44 S (2009–2010)

Innstilling frå energi- og miljøkomiteen om endringar i statsbudsjettet for 2009 under Olje- og energidepartementet

Til Stortinget

Samandrag

I proposisjonen kjem Olje- og energidepartementet (OED) med framlegg til endringar i statsbudsjettet for 2009, og dei gjer vidare greie for bruk av fullmakt under petroleumsverksemda og Statens direkte økonomiske engasjement i petroleumsverksemda (SDØE).

Endringar i statsbudsjettet for 2009

Kap. 1800 Olje- og energidepartementet

POST 21 SPESIELLE DRIFTSUTGIFTER,
KAN OVERFØRAST

Utgifter knytte til rettssak mot Statoil ASA

Utgiftene for staten til juridisk bistand og eksterne rådgivarar i samband med denne saka er rekna til totalt om lag 15 mill. kroner i 2009. Blant anna har ein ekstern konsulent gjennomført verdivurderingar av relevante felt på norsk kontinentalsokkel og økonomiske analysar og vurderingar i samband med statens krav.

Delar av utgiftene blir dekte innafor gjeldande løyving, men det blir foreslått å auke løyvinga under kap. 1800 post 21, med 3 mill. kroner.

Nytt forslag til løyving blir etter dette 42,1 mill. kroner.

Kap. 1810 Oljedirektoratet

POST 1 DRIFTSUTGIFTER

Det blir foreslått å auke løyvinga med 1,3 mill. kroner knytt til behandling og oppfølging av søknader om utvinningsløyve.

Nytt forslag til løyving blir etter dette 211,7 mill. kroner.

POST 21 SPESIELLE DRIFTSUTGIFTER,
KAN OVERFØRAST

Det blir foreslått å auke løyvinga knytt til Oljedirektoratets oppdrags- og samarbeidsverksemd med 27,3 mill. kroner.

Nytt forslag til løyving blir etter dette 299,9 mill. kroner.

Kap. 1820 Noregs vassdrags- og energidirektorat

POST 22 FLAUM- OG SKREDFØREBYGGING,
KAN OVERFØRAST, KAN NYTTAST UNDER
POST 60

Det blir foreslått å redusere løyvinga med 1,5 mill. kroner.

Nytt forslag til løyving blir etter dette 152,3 mill. kroner.

POST 60 TILSKOT TIL SKREDFØREBYGGING,
KAN OVERFØRAST, KAN NYTTAST UNDER
POST 22

Det blir foreslått å auke løyvinga med 1,2 mill. kroner.

Nytt forslag til løyving blir etter dette 29,2 mill. kroner.

Kap. 1825 Omlegging av energibruk og energi-produksjon

POST 50 OVERFØRING TIL ENERGIFONDET

Det blir foreslått å auke løyvinga med 1,2 mill. kroner. Endringa har samanheng med tilsvarende auke i avkastninga frå Grunnfondet, jf. kap. 4825 post 85.

Nytt forslag til løyving blir etter dette 1 782,2 mill. kroner.

Kap. 1833 CO₂-handtering

POST 21 SPEIELLE DRIFTSUTGIFTER, KAN OVERFØRAST

Regjeringa foreslår å redusere løyvinga knytt til arbeidet med CO₂-handtering på Kårstø med 140 mill. kroner.

- Når det gjeld transport og lagring av CO₂ frå Kårstø og Mongstad held Gassnovas arbeid med å greie ut moglege lagringsstader fram med sikte på å kunne leggje fram eit godt investeringsgrunnlag for sikker lagring av CO₂.
- Når det gjeld teknologisenteret for CO₂-handtering på Mongstad gjenstår det om lag 37 mill. kroner som ikkje er brukt. Desse midlane blir foreslått omdisponerte til planlegginga av fullskala CO₂-handtering på Mongstad.
- Når det gjeld fullskala CO₂-handtering på Mongstad – Mongstad Steg 2 blir det foreslått å redusere løyvinga knytt til arbeidet med CO₂-handtering på Mongstad med 320 mill. kroner. Hovudårsak til endringa er utsette aktivitetar i 2009.

Regjeringa foreslår at løyvinga under kap. 1833 CO₂-handtering, post 21 Spesielle driftsutgifter blir redusert med i alt 460 mill. kroner.

Nytt forslag til løyving blir etter dette 305 mill. kroner. Totalt disponibelt budsjett under posten inkludert overførte midlar frå 2008 utgjer om lag 600 mill. kroner for 2009.

POST 30 INVESTERINGAR, KAN OVERFØRAST

Det blir foreslått å redusere løyvinga under posten med 1 882 mill. kroner, og nytt forslag til løyving blir etter dette null kroner.

POST 50 OVERFØRING TIL FOND FOR CLIMIT

Det blir foreslått å auke løyvinga til Fond for CLIMIT med 0,2 mill. kroner, og nytt forslag til løyving blir etter dette 92 mill. kroner.

POST 72 UTLÅN, TCM DA, KAN OVERFØRAST

Det blir foreslått at utlån til TCM DA blir budsjettett "over streken" og blir utgiftsført i statsbudsjettet i dei åra der TCM DA investerer i anlegget. På den måten vil lån til TCM DA inngå i prioriteringane innanfor statsbudsjettet si samla ramme. Framtidige avdrag på utlåna blir inntektsførde tilsvarende "over streken", men utlåna vil gå fram av statens kapitalrekneskap. Dei nemnde forholda påverkar òg forslaget til løyving for 2010, som må endrast. Olje- og energidepartementet vil kome tilbake til Stortinget med eit endra forslag til løyving for 2010 knytt til dette.

Det blir foreslått ei løyving på 900 mill. kroner for 2009 under ny post 72 Utlån, TCM DA, *kan overførast*, for å dekkje statens del av budsjettet for investeringar og drift for TCM DA, blant anna forskot på tomteleige og andre utgifter knytte til etablering og oppbygging av selskapet.

Kap. 2440/5440 Statens direkte økonomiske engasjement i petroleums- verksemda

Forslag til nye løyvingar byggjer på ein oppdatert prognose for 2009 frå Petoro AS, og er basert på rekneskapsføring per 30. september 2009 og overslag for resten av året. Det er blant anna stor uvisse knytt til utviklinga i olje- og gassprisane.

Overslaget for kap. 2440, post 30 Investeringar er samla redusert med 1 900 mill. kroner, frå 25 900 til 24 000 mill. kroner, hovudsakleg på grunn av utsette aktivitetar på fleire felt.

Det er no lagt til grunn ein gjennomsnittleg oljepris på 378 kroner per fat for 2009.

Endringane fører til at kap. 5440, post 24 Driftsresultat aukar netto med 8 700 mill. kroner, frå 84 200 til 92 900 mill. kroner.

Kap. 5440, post 50 Overføring frå Statens petroleumsforsikringsfond er budsjettett til 30 mill. kroner i faktiske utbetalingar i 2009 knytt til skadar og bortfall av inntekt på grunn av stopp i drifta på nokre felt.

Endringane medfører samla sett at netto kontantstraum frå SDØE blir auka med 9 230 mill. kroner i høve til gjeldande løyving, frå 81 378 til 90 608 mill. kroner.

Kap. 2490 NVE Anlegg

POST 24 DRIFTSRESULTAT

Endringar i underpostar medfører inga endring i stipulert driftsresultat for NVE Anlegg under kap. 2490 post 24 i høve til gjeldande løyving for 2009.

Kap. 4800 Olje- og energidepartementet

POST 70 GARANTIPROVISJON, GASSCO

Løyvinga blir foreslått redusert med 0,25 mill. kroner, og nytt forslag til løyving blir etter dette 1,4 mill. kroner.

Kap. 4810 Oljedirektoratet

POST 1 GEBYRINNT TEKTER

Løyvinga blir foreslått auka med 1,3 mill. kroner, og nytt forslag til løyving blir etter dette 11,4 mill. kroner.

POST 2 OPPDRAGS- OG SAMARBEIDSVERKSEMD

Løyvinga blir foreslått auka med 27,3 mill. kroner, og nytt forslag til løyving blir etter dette 76,2 mill. kroner.

Kap. 4820 Noregs vassdrags- og energidirektorat

POST 40 FLAUM- OG SKREDFØREBYGGING

Løyvinga blir foreslått redusert med 6,65 mill. kroner, og nytt forslag til løyving blir etter dette 24,6 mill. kroner.

Kap. 4825 Omlegging av energibruk og energiproduksjon

POST 85 FONDSAVKASTNING

Avkastninga frå Grunnfondet er auka med 1,2 mill. kroner i 2009, og nytt forslag til løyving blir etter dette 432,2 mill. kroner.

Kap. 4833 CO₂-handtering

POST 85 FONDSAVKASTNING

Avkastninga frå Fond for miljøvennleg gassteknologi er auka med 0,2 mill. kroner i 2009, og nytt forslag til løyving blir etter dette 92 mill. kroner.

Kap. 5582 Sektoravgifter under Olje- og energidepartementet

POST 70 BIDRAG TIL KULTURMINNEVERN

Løyvinga blir foreslått nedjustert med 0,8 mill. kroner, og nytt forslag til løyving blir etter dette 9,1 mill. kroner. Løyvinga er basert på innbetalingar frå revisjonssaka i Vinstravassdraget.

Bruk av fullmakter under petroleumsverksemda og SDØE

Olje- og energidepartementet gjer i proposisjonen greie for bruk av fullmakter i 2009 knytte til

petroleumsverksemda og SDØE, jf. St.prp. nr. 1 (2008–2009) og Budsjett-innst. S. nr. 9 (2008–2009).

Fullmakt XII – Utbyggingsprosjekt på norsk kontinentalsokkel

Fullmakt for forenkla behandling frå styresmaktene si side har blitt nytta ved to høve i 2009:

– TROLLPROSJEKT

Dei totale investeringane er i plan for utbygging og drift rekna til 5,7 mrd. 2008-kroner. Plan for utbygging og drift for Troll prosjekt vart vedteken ved kongeleg resolusjon 19. juni 2009.

– OSELVAR

Dei totale investeringane er i plan for utbygging og drift rekna til 4,6 mrd. 2009-kroner. Plan for utbygging og drift for Oselvar vart vedteken ved kongeleg resolusjon 19. juni 2009.

Fullmakt XVI – Overføring av delar i røyr-leidningar til Gassled

Olje- og energidepartementet godkjende 17. desember 2008 overføring av Norne Gas Transport System, inntektsstraumen i Etanor og Kvitebjørn Gassrøyr til Gassled. Med verknad frå 1. januar 2009 har Norne Gas Transport System og inntektsstraumen i Etanor blitt innlemma i Gassled. Med verknad frå 1. juli 2009 er Kvitebjørn Gassrøyr innlemma i Gassled. Statens del i Gassled er justert for å reflektere desse overføringane.

Merknader frå komiteen

Komiteen, medlemene frå Arbeidarpartiet, Per Rune Henriksen, Marianne Marthinsen, Torstein Rudihagen, Tor-Arne Strøm og Eirin Kristin Sund, frå Framstegspartiet, Oskar Jarle Grimstad, Henning Skumsvoll og Ketil Solvik-Olsen, frå Høgre, Nikolai Astrup, Bjørn Lødemel og Siri A. Meling, frå Sosialistisk Venstreparti, Snorre Serigstad Valen, frå Senterpartiet, leiaren Erling Sande, og frå Kristeleg Folkeparti, Line Henriette Hjemdal, viser til dei foreslåtte endringane i statsbudsjettet for 2009, som det er gjort greie for i proposisjonen.

Komiteen viser også til bruk av fullmakter under petroleumsverksemda og SDØE, som det òg er gjort greie for i proposisjonen.

Tilråding frå komiteen

Komiteen har elles ingen merknader, viser til proposisjonen og rår Stortinget til å gjere slikt

vedtak:

I statsbudsjettet for 2009 blir det gjort følgjande endringar:

Kap.	Post	Formål	Kroner
Utgifter			
1800		Olje- og energidepartementet	
	21	Spesielle driftsutgifter, <i>kan overførast</i> , blir auka med frå kr 39 100 000 til kr 42 100 000	3 000 000
1810		Oljedirektoratet	
	1	Driftsutgifter, blir auka med frå kr 210 400 000 til kr 211 700 000	1 300 000
	21	Spesielle driftsutgifter, <i>kan overførast</i> , blir auka med frå kr 272 600 000 til kr 299 900 000	27 300 000
1820		Noregs vassdrags- og energidirektorat	
	22	Flaum- og skredførebygging, <i>kan overførast</i> , <i>kan nyttast under kap. 1820 post 60</i> , blir redusert med ... frå kr 153 800 000 til kr 152 300 000	1 500 000
	60	Tilskot til skredførebygging, <i>kan overførast</i> , <i>kan nyttast under kap. 1820 post 22</i> , blir auka med frå kr 28 000 000 til kr 29 200 000	1 200 000
1825		Omlagging av energibruk og energiproduksjon	
	50	Overføring til Energifondet, blir auka med frå kr 1 781 000 000 til kr 1 782 200 000	1 200 000
1833		CO ₂ -handtering	
	21	Spesielle driftsutgifter, <i>kan overførast</i> , blir redusert med frå kr 765 000 000 til kr 305 000 000	460 000 000
	30	Investeringar, <i>kan overførast</i> , blir redusert med frå kr 1 882 000 000 til kr 0	1 882 000 000
	50	Overføring til fond for CLIMIT, blir auka med frå kr 81 800 000 til kr 82 000 000	200 000
(NY)	72	Lån, TCM DA, blir løyvd med	900 000 000
2440		Statens direkte økonomiske engasjement i petroleums- verksemda	
	30	Investeringar, blir redusert med frå kr 25 900 000 000 til kr 24 000 000 000	1 900 000 000
2490		NVE Anlegg	
	24	Driftsresultat	0
		Spesifikasjon:	
		Driftsinntekter	-61 000 000
		Driftsutgifter	54 700 000
		Avskrivningar	5 500 000
		Renter av statens kapital	800 000
			0

Kap.	Post	Formål	Kroner
Inntekter			
4800		Olje- og energidepartementet	
	70	Garantiprovisjon, Gassco, blir redusert med frå kr 1 650 000 til kr 1 400 000	250 000
4810		Oljedirektoratet	
	1	Gebyrinntekter, blir auka med frå kr 10 100 000 til kr 11 400 000	1 300 000
	2	Oppdrags- og samarbeidsverksemd, blir auka med frå kr 48 900 000 til kr 76 200 000	27 300 000
4820		Norges vassdrags- og energidirektorat	
	40	Flaum- og skredførebygging, blir redusert med frå kr 31 250 000 til kr 24 600 000	6 650 000
4825		Omlagging av energibruk og energiproduksjon	
	85	Fondsavkastning, blir auka med frå kr 431 000 000 til kr 432 200 000	1 200 000
4833		CO ₂ -handtering	
	85	Fondsavkastning, blir auka med frå kr 91 800 000 til kr 92 000 000	200 000
5440		Statens direkte økonomiske engasjement i petroleums- verksemda	
	24	Driftsresultat, blir auka med frå kr 84 200 000 000 til kr 92 900 000 000	8 700 000 000
		Spesifikasjon:	
		Driftsinntekter	155 200 000 000
		Driftsutgifter	-36 900 000 000
		Leite- og feltutviklingsutgifter	-2 600 000 000
		Avskrivningar	-16 300 000 000
		Renter av statens kapital	-6 500 000 000
			92 900 000 000
	30	Avskrivningar, blir redusert med frå kr 17 500 000 000 til kr 16 300 000 000	1 200 000 000
(NY)	50	Overføring frå Statens petroleumsforsikringsfond, blir løyd med	30 000 000
	80	Renter av statens kapital, blir redusert med frå kr 6 700 000 000 til kr 6 500 000 000	200 000 000
5582		Sektoravgifter under Olje- og energidepartementet	
	70	Bidrag til kulturminnevern, blir redusert med frå kr 9 900 000 til kr 9 100 000	800 000

Oslo, i energi- og miljøkomiteen, den 1. desember 2009

Erling Sande

leiar og ordførar

